

發覺淨心經卷上

衣四

隋天竺三藏闍那崛多譯

爾時婆伽婆復於一時遊波羅奈城諸仙住處鹿野苑中與大比丘衆足滿千人復有五百諸菩薩衆於其衆中多有諸根未成熟者有減少善根者有諸業障者爾時彼處諸菩薩中復有諸菩薩樂多世事樂於談話樂於睡眠樂於雜業樂於戲論樂於染著種種文辭散亂之業不合禪行於諸善事嬾惰懈怠破精進行忘失正念無所能知常行亂行爾時衆中有一菩薩摩訶薩名曰彌勒在彼會坐知彼衆中諸菩薩等有如是行已即作是念此諸菩薩減損道分然我今者應當發覺此菩薩等令彼憶念發起道意爾時彌勒菩薩摩訶薩作是念已於日晡時從禪定起往詣諸菩薩所到已與彼諸菩薩共相慰喻爲作歡喜令彼樂欲求聞法故因而告彼諸菩薩言長老汝等頗於菩提分中不損減乎彌

勒菩薩作是語已彼諸菩薩語彌勒菩薩言長老彌勒我等道分惟有損減無有增長何以故然我等輩取住疑心我等爲當得作佛耶不得佛耶我等爲當墮落法耶不墮落耶於諸善根爲欲生耶爲不生耶作於惡心我等住取是相作是語已彌勒菩薩告彼菩薩衆言汝長老輩今可共往詣佛世尊如來應供等正覺所然彼世尊一切知見無礙解脫知見具足巧知一切衆生心行彼佛世尊量汝等行當爲說法時彼衆中六十菩薩共彌勒菩薩往詣佛所到已五體頭面禮佛足已於地未起悲啼雨淚其彌勒菩薩頂禮佛足却坐一面

余時世尊告諸菩薩言諸善男子汝等應起莫啼莫歎勿生熱惱汝等過去作此業障汝等於時歡喜踊躍罵詈毀辱破壞他人不信業報不能分別業障纏繞不合善故爾時彼六十菩薩偏袒右肩右膝著地向佛合掌而

作是言善哉世尊我等業障願分別說令我等輩自清淨心勿復更造時彼菩薩作是語已佛告彼菩薩言諸善男子汝等過去於拘留孫如來教中出家學道既出家已住於禁戒於戒放逸住於多聞於多聞放逸於頭陁功德皆悉損滅於時有二法師比丘汝於彼

衣四

陳五

所誹謗姪欲爲多利養名聞因緣於彼親友施主之家嫉妬慳貪於二法師所親友禮越汝復破壞離散兩舌毀辱今生疑惑不生信心不具足說非善事時二法師所有衆生心生敬信隨順之者令彼等輩斷諸善根作諸障礙汝等以此業障緣故遂於六十二百

百歲後一切業障余乃滅盡於後得生阿彌陀國極樂世界時彼如來方授汝等阿耨多羅三藐三菩提記尔時彼等六十菩薩乘富伽羅等既聞此已捫淚恐怖毛豎合掌向佛而作是言世尊我等從今若於菩薩乘富伽羅所若生瞋恚過失而復更造自餘業障我

衣四

三

陳五

千歲墮於阿鼻大地獄中復於四萬歲墮於活地獄中復於二萬歲中墮黑繩地獄復於八百千歲墮熱地獄復於彼處捨命已後還得人身於五百世中生盲無目以業障故所生之類一切暗鈍忘失本心善根閼塞少於威力衆皆棄捨恒被欺誑爲人憎惡毀訾誹

於行菩薩乘富伽羅所而起我慢說彼惡事
若實若虛我等則爲欺誑如來世尊我等從
今日已見菩薩乘富伽羅者若在家若出家
受五欲果報富樂遊戲娛樂見是事已生不
信心取彼過失不生敬心不作師想者我等
則爲欺誑如來世尊我等從今日已於親友
家乞丐家因緣行菩薩乘富伽羅所若逼切
身心者我等則爲欺誑如來世尊我等從今
日已行菩薩乘富伽羅所出不喜聲及罵詈
聲我等則爲欺誑如來世尊我等從今日已
於晝三時及夜三時一切菩薩乘富伽羅所
不禮拜者我等則爲欺誑如來世尊我等從

世尊我等從今日已若自稱譽毀謗於他我
等則爲欺誑如來
世尊我等從今日已怖瞋鬪故若不離彼去
百由旬猶如風吹者我等則爲欺誑如來世
尊我等從今日已於持戒者我應敬念若多
聞者若頭陁功德及省事者并餘功德若不
讚說我等則爲欺誑如來世尊我等從今日
已若不覆藏己之功德開示己惡我等則爲
欺誑如來少時世尊讚彼六十行菩薩乘富
伽羅言善哉善哉諸善男子汝等善說此諸
誓願能自發覺善作是願汝等如是住者當
盡一切業障當得善根淨少時世尊復告彌
勒菩薩摩訶薩言彌勒若有菩薩欲淨業障
當作是願少時彌勒菩薩摩訶薩復白佛言
世尊頗有善男子等護持此願當得滿足不
非彼我等則爲欺誑如來世尊我等從今日
退轉不佛告彌勒有諸菩薩受行是願彼善
男子善女人寧捨身命不缺此行亦不退捨
已於遊行時若不作卑下心如旃陀羅及如
狗若不作如是行者我等則爲欺誑如來
乙四

伽羅等具足幾法於後五百歲法欲壞時無
損無害而得免脫余時佛告彌勒菩薩言其
具足有四種法於後五百歲法欲壞時不損
不害而得免脫何等爲四不求他過於菩薩
乘富伽羅所有犯罪處而不發覺於善友家
及施主家不生怯惜捨離惡言彌勒是爲行

菩薩乘富伽羅等具足四法於後未來五百
歲時不損不害當得免脫余時世尊欲重宣
此義而說偈言

莫於他邊見過失 勿說他人是與非

不著他家淨活命 諸所惡言當棄捨

復有四法行菩薩乘富伽羅等後五百歲法
欲壞時比丘壞時無損無害而得免脫何等
爲四所謂不相應衆生應當棄捨遠離大衆
常修蘭若降伏己身與此相應彌勒行菩薩
乘富伽羅等具四法者於彼後時五百歲中
法欲滅時能於自身不損不害安隱解脫余
時世尊而說偈言

衣四

棄捨衆閑極遠離 無法比丘勿親近

當修蘭若佛所讚 不著利故得涅槃

是故彌勒菩薩於後五百歲時欲自不損不
害而得解脫一切業障欲得免者勿親穢閑
應住蘭若空閑園林離不相應諸衆生等常
自省察莫求他過愛樂默然當與般若波羅

蜜相應於諸衆生起慈愍心而爲說法勿求
恩報余時世尊復告彌勒菩薩言善男子法
施有二十功德不求果報不著利養及與名
聞而爲說法何等二十得正憶念得勝妙趣
得好正意得強志力得多智慧覺悟出世般
若波羅蜜當得少欲當滅瞋恚當滅愚癡一
切諸魔不得其便諸佛護念非人守護諸天
與力一切怨家不得其便凡所親友無人能
壞凡所出言人必信受得無所畏凡有行處
恒常歡喜智者讚歎所行法施恒爲他念彌
勒是爲法施不求果報得二十功德棄捨利
養及與名聞衣服飲食無所希望饒益爲首

常行法施復次彌勒菩薩復有二十種功德不求果報菩薩爲他行法施時不著利養名聞饒益爲首數行法施何者二十彼未生辯才則能令生生已不失得陁羅尼當得察勤不用多力廣益群生少用功力多所利益於衆生邊恭敬尊重常應供養當得身密當得口密當得意密超越惡道及諸恐怖於命終時心得歡欣如法正說能伏他論具大威德聖人敬仰況餘凡庶諸根成就無能及者深心具足得舍摩他雖婆舍那能行難行精進不減守護正法速能超度不退轉地一切行中得隨順住彌勒是名復有二十種功德菩薩法施不求果報不著利養及與名聞衣服飲食饒益爲先數行法施彌勒汝觀未來後五百歲中有幾所無智菩薩乘富伽羅等行法施時望報歡喜非不望報彼作是心爲他說法增多親友及乞丐所故行於法施又作是念云何當令出家在家生淨信心供養於

亥四

六

王

我衣服飲食卧具湯藥所須以是緣故爲他說法彌勒譬如死蛇死狗及死人等其實臭穢可惡膿爛不淨衆人厭惡捨離遠去如是如是彌勒於後末世諸法師等惟求果報爲他說法若無財利眾惡生苦疲倦捨去我等無利如此法施無有利潤既不與我衣服飲食卧具牀鋪作如是念我何因緣於中疲苦彼人爲重供養承事已身畜於侍者及弟子等而不爲法都無利益他人之事而口詐現如是慰喻教導衆人我有慈悲如法攝衆不爲財利爲利益故至彼城邑聚落王家爲成熟衆生故彼雖作是語心常惟爲衣服飲食

臥具湯藥等事彌勒我不說彼求財物者法施清淨何以故夫求報者法不平等彌勒我不說彼希望報者成熟衆生何以故若自未成熟能成熟他無有是處彌勒我不說重承事愛供養身攝取種種物者爲利益他事何以故爲承事者惟爲身樂故不能攝衆建立

修行故彌勒我不說詐稱善者爲住蘭若彌勒我不說薄福人者爲少欲行彌勒我不說追求好飲食者爲行乞食彌勒我不說少利養者爲知足行我不說求好衣服者爲持糞掃衣我不說道俗不識而獨住者爲不雜行我不說好詔曲者值佛興世我不說求他短

衣四

者能與法合我不說多瞋怒者爲戒聚清淨我不說我慢貢高者爲多聞我不說好朋黨者爲持律師我不說威儀濁者爲善敬說法我不說多綺語調弄者爲善說法師我不說染著家者爲清淨梵行導師我不說求報恩者以爲善攝施者爲不希報我不說求報恩者以爲善攝事我不說求利養名聞者爲內心清淨我不說無信多分別者以爲出家我不說信他教者爲好持戒我不說不尊重者以爲聽法我不說著世典呪咀者以爲愛法我不說不信空者而得解脫我不說染著者以爲修行淨我不說染著行者爲滿菩提分我不說住所

得者以爲證智我不說羸弱者爲忍辱滿足我不說無人觸者爲忍力鎧我不說本性少煩惱者爲戒清淨我不說多語者爲依教行業者爲法不減少我不說内心淨者當墮惡趣我不說依智行者以爲雜行我不說方便相應行者以爲詔曲我不說不求名利者以爲妄語我不說無戲論者以爲謗法我不說喜護正法者爲愛身命我不說恐怖行者爲發精進彌勒如是等種種諸過詔曲顛倒貪盜等於未來世五百年後菩薩乘輦住此惡行當須護之余時彌勒菩薩摩訶薩白佛言世尊惟此六十菩薩於未來世五百歲後有諸業障爲當更有其餘菩薩耶佛言彌勒於五百歲後更有其餘菩薩當爲業障所纏其中亦有能盡業障或增長者復次彌勒於彼時此五百菩薩衆中當有二十菩薩於未來世能少有業障微細業障後五百歲當生村

落城邑險難國土大豪姓家聰明多智巧解方便心意調柔多有潤澤利益弘廣端正可喜巧妙辯才覆藏已德住在頭陁功德之行已於無數億劫阿僧祇集聚阿耨多羅三藐三菩提護持正法棄捨身命在蘭若處遠離聚落不求名利常樂精勤入衆生行善能言

卷四五

論通達世典少聞多解於毗婆舍那悉能巧知具得辯才善能分別隨問能答與義相應得無礙辯才或復有得無盡陁羅尼者爲四部衆演說法時佛威神力故佛住持故於如來所說修多羅祇夜受記伽陁憂陁那尼陁那阿波陁那伊帝越多伽闍多迦毗佛略阿

浮陁達摩優波提舍能自辯說彌勒彼時二十巧方便菩薩從阿闍梨和尚等邊受此法本無量百千修多羅句皆悉誦持解說以誦持此法本故彼善男子於諸辯才心無疑悔攝受而住復次彌勒於彼時中復有無方便菩薩若在家俗人若出家人於護持正法者

卷四九毛

教法行者真實行者彼諸法師邊所說法教悉不受持欺誑調弄汝等自造此法所說法句非如來說汝等隨自意集作此文飾逮相繫縛我等於此法中不生敬重不生信樂難遭之想彌勒於彼時中多有衆生誣謗此法破壞此法不受此法猶如枝兒調戲之法與彼同行是諸比丘不依修多羅不依毗尼演說法句汝等莫生敬信希有之心此非正法也彌勒彼等癡人不知所有一切善言皆是如來所說彼諸人等爲魔所持當生誹謗彼諸法師所說之法當作謗法業因緣以作謗法業因緣故當墮惡道是故彌勒若欲護正法善薩當作方便覆藏已德於種種有行衆生應須護持勿令彼等生障礙想爾時彌勒菩薩摩訶薩白佛言希有世尊婆伽婆於彼時中菩薩乘人無有智慧不求辯才而於人法不能生信乃於誰邊求生善根當求陁羅尼以自護若不如是於彼持法諸法師邊起

於誹謗生於穢汙世尊譬如有人渴欲飲水若至泉池若彼若井未飲其水先擲糞穢冥中擲糞冥已還欲飲水聞水臭穢憎惡不飲不說自汗因緣反說彼過奇哉此水甚大臭穢自過不曉而與彼水作其過咎如是如是世尊彼癡人輩長夜求法欲察法行先於人法求其過

已還從聞法憎惡法師及所說法如彼癡人嫌惡泉池陂井灘等持法比丘應如是知若復有人能說是法當知皆是佛威神力如是世尊於五百歲後有無知菩薩而汗彼法及持法比丘已還於其邊欲飲法味彼不自覺己之過惡當復調弄彼等法師於衆人前說其過咎起染汙已見其過失生厭想已便欲捨離尔時世尊讚歎彌勒菩薩言善哉善哉彌勒汝善說此言若能不求他過失短者當知已不離一切過彌勒有四因緣一切辯才諸佛所說應如是知彌勒復有四因緣當知四辯即一切諸佛如來所說毀呰一切諸佛之所

不許可彌勒何者四辯因緣當知諸佛所說彌勒其辯者義具足非不義具足法具足非不法具足當盡煩惱不增煩惱說涅槃功德示生死過惡彌勒是爲四辯當知諸佛所說彌勒若有比丘比丘尼優婆塞優婆夷與此四辯和合相應能辯說者若善男子若善女衣曲人於彼人邊當作佛想作教師想而聽法義何以故彌勒彼所有說者當知皆是如來所說應如是見彌勒若有謗此四辯言非佛說不生尊重恭敬之心憎嫉人故彼即誹謗一切諸佛所說辯才誹謗法已作滅法過業作滅法行已墮於惡趣是故彌勒若有信心善

男子等欲得離遠滅法業障因緣者不可以憎嫉人故而憎嫉於法不可以不愛人故於彼法邊不生愛心彌勒何者辯說爲諸佛毀皆而不許可彌勒或有辯說無有利益不依實法增長煩惱不盡煩惱增長生死不讚涅槃功德利益彌勒如此辯者一切諸佛之所

呵責一切諸佛而不許可尔時彌勒菩薩白佛言世尊若有辯說增長生死非佛辯才云何出尊說諸煩惱爲諸菩薩而作利益亦復讚說生死流轉滿足菩提分法耶世尊如是辯者豈非如來說平佛告彌勒言於汝意云何此煩惱爲滿足菩提分故爲作利益諸菩薩故說者復當說讚歎受生死流轉然此事爲當合義爲當不合義爲當合法爲當不合法答言世尊若有正言者言合義合法若有此語者是名正言佛言彌勒以是義故汝當知一切佛所說皆是佛辯應如是見若有所說言諸煩惱滿足菩提分故爲菩薩說當作利益讚歎取生死流轉者爲利益菩薩故所以者何彌勒彼煩惱菩薩應如是見此菩薩不犯此煩惱罪以於義自在以於法亦得自在故此是諸菩薩善巧方便於彼處非是聲聞辟支佛地彌勒若有煩惱無有利益不滿菩提分因緣不爲善根門因於中彼菩薩不應惜

衣四

七

五

身命亦不得隨彼煩惱所以者何彌勒得智力菩薩別有攀緣若見有煩惱別著有爲者彌勒菩薩復白佛言世尊如我解佛所說義若有菩薩不欲造業障欲盡業障不缺不損欲解脫者彼於未來世三摩耶時應當信菩薩行當須思惟莫求他過常求功德之事求真正處佛告言如是如是彌勒其菩薩於後世時應當思惟於菩薩行應知方便所以者何方便智行菩薩善巧方便難可得知彌勒譬言如須陀洹人於凡夫行中現其須陀洹地別於凡夫別患彼欲過瞋癡諸凡夫等當墮惡道還彼過惡諸聖聲聞不墮惡道如彼證知故彌勒如是如是智行菩薩汙染習迷未盡故彼別有地初行菩薩別有地所以者何其心不住於諸使而諸凡夫染著諸使愚癡因緣不能巧知解脫之處彌勒智行菩薩雖有重罪以智力故當盡如灰亦不因彼墮於惡道彌勒譬如熾火將大木薪擲置其中

如是數數擲中其火轉增熾盛不減如是如是彌勒智行菩薩智火熾盛時將有爲煩惱擲智火中如是智火熾盛而不能滅以智力故彌勒以是汝應當知智行諸菩薩其行難知尔時彌勒菩薩白佛言世尊初行菩薩未得智力者捨家出家者何等諸法當須捨離何等諸法當須親近若親近彼菩薩未生智力令生已生者令增長不減佛言彌勒其初行菩薩捨家出家未得智力者雖捨資財供養之事應須觀利養名聞諸患應疾須捨世間言話須觀世間言話過患應捨樂多說應觀多說過患應捨樂睡眠應觀睡眠過患應捨樂作諸業應觀世間諸業過患應捨樂戲應觀樂戲過患然彼捨利養名聞已應須行少欲知足應須親近少欲知足者捨世言話已應須親近樂獨行者捨多言話已應須觀真實義捨睡眠已初夜後夜長須警覺捨樂造業已當須親近出世之法捨戲樂已應須修習

衣四

三

五

樂無衆生慈彌勒初行菩薩捨家出家未得智力者欲得智力如是等諸法應須捨離如是等諸法當須親近彌勒彼初行菩薩捨家出家未到智力者未捨利養名聞時未親近少欲知足時若未生智能令生若已生能令增長者無有是處未離世間話未親近獨行不捨離樂睡眠初夜後夜不近警覺樂習作業於此時中不能修習出世間法不捨嬉戲不親近無衆生慈想未生智力令生生者今增長無有是處彌勒是故若有菩薩欲生智力彼菩薩應捨諸法當捨者應須修習諸法當習近者所以者何彌勒智從因生無因智不可生因不和合不可易得生尔時彌勒菩薩白佛言世尊云何菩薩當觀利養名聞過患何者是利養名聞諸患菩薩觀時當樂知足而無有悔佛告彌勒菩薩於中當觀利養不今生欲作如是觀因利養故生欲損自己行心生瞋恨諸患應當觀利養生愚癡生

我慢故當觀利養生妬嫉故當觀利養生妖幻成就愛味故當觀利養生詔曲故當觀利養離四聖種故當觀利養無所羞愧一切諸佛不許可故當觀利養生於我慢貢高於尊者邊不生愛敬一切人所不記錄故當觀利養是助衆魔一向放逸根本故當觀利養摧

文四

十三

十四

折諸善根猶如雨雹故當觀利養多諸雜穢故當觀利養失知識朋友家故當觀利養能生愛憎及憂惱故當觀利養亂正念處多汙染故當觀利養令白法羸弱缺正勤故當觀利養最有障礙不得諸神通故當觀利養欺罔各說不善事故當觀利養多有分別思量造業故當觀利養遠離諸樂失禪定三摩跋提故當觀利養猶如姪女智慧寂靜遠離故當觀利養墮地獄餓鬼畜生等惡道如提婆達多優陀羅迦聞行故彌勒菩薩應當如是觀察利養觀察利養已如是觀時意樂少欲能無有悔所以者何彌勒少欲菩薩無有如

是等諸過患當爲諸佛法器不隨出家及在家之所欺慢能無恐畏得清淨信一切惡道皆無恐怖不被降伏遠離一切愛味離諸魔境當得解脫一切諸佛所歎天人所愛念不染著諸禪定親近故當生歡喜離於詔曲當不放逸觀五欲諸患如出言不異住於諸聖種姓梵行者常觀彌勒智者菩薩觀如是等諸功德當應須遠離利養名聞正心住於知足應當滅一切貪欲作是語已彌勒菩薩白佛言世尊菩薩云何觀於世間言說過患荷者是世間言說諸患然菩薩觀已樂獨行然無有悔佛答言彌勒世間言說有二十種諸患應當須觀菩薩觀時樂獨行何者二十不護身行不護口行不護意行當有雜欲行多有瞋恚多有愚癡彼於世間多有言說於出世間減損言說親近不敬法遠離正法魔得其便當行放逸今向放逸多有分別觀減於多聞當不得奢摩他毗婆舍那當速成非梵

行於信佛中減於信法僧減彌勒此等二十
諸患世間言說若菩薩觀如是等已樂獨行
而不疲倦少時世尊欲重宣此義而說偈言
捨戒遠離於寂靜 若有喜樂世間話
彼雜染著向破戒 復有如是諸過患
調戲多笑及分別 彼有如是世間話

衣四

十四

五

當有雜行無攝檢 若作世間親近話
愚癡世間樂智法 無智損減上談話
增長放逸競分別 若作世間親近話
此亦不增於多聞 不合言說彼生樂
恒常減損諸禪定 獨坐世間心思惟
世間思惟何有定 不得寂定無正觀
是故彼無勝梵行 若作親近世間話
彼於佛邊無敬心 亦於聖僧不崇仰
捨彼最上最勝法 若當親近世間話
我昔捨身數千分 爲求無上菩提緣
不曾獸離聞正法 彼等當捨不勤劬
不樂男女及婦妾 我昔捨位及資財

爲於一偈四句故 智者何故不聞法
一切一切處當捨 亦不和合染話言
欲當解脫修功德 難得百劫成就者
不爲自利無涅槃 莫問世間所作者
以此爲勝可稱讚 若有所聞爲衣食
爲汝設座汝來坐 若各當話於法事
善得難得人身已 汝頗增長白法不
讀誦及諸禪定中 比丘應作如是問
如來涅槃去已後 當有法教破壞毀
有諸比丘無威儀 愛樂衆中捨蘭若
利養錢財衣服等 畫夜恒常共論說
睡眠不動於寢中 見於耕犁及苗稼
此等凡夫知失已 向於惡道三趣生
當生歡喜踊躍已 應住樹林如犀牛
在於蘭若求樂故 於時勿見他過失
我是最勝衆第一 應當莫生如是心
此是嬌慢放逸本 如是比丘莫輕賤

次第於此法教中不可一時即解脫

雖見比丘破禁戒但信諸佛法及僧

於彼莫求他過患難攝諸欲及瞋恚諸法熏修未得時若息勤心不精進修勤不見他過失是故比丘欲求德

勤劬歡喜踊躍已猶如犀牛住空閑思惟正道脫苦故應須當捨非法語

發覺淨心經卷上

衣四十五

發覺淨心經卷下

衣五

隋天竺三藏闍那崛多譯

尔時彌勒菩薩白佛言希有世尊世間人聚集言話乃有如此多濁過患無有功德和合此世間言話者但增長諸煩惱於自法中當莫以破戒棄捨彼此最名爲不進者

作虛妄世尊何有智者菩薩求功德者聞此

世間過患語已當不樂獨行世尊云何菩薩樂於多言復觀諸患菩薩若觀時樂擇真義後更無悔佛言彌勒於中菩薩當觀二十種諸患樂多言者何等爲二十彌勒樂多話者當無敬心以多聞故我慢放逸於語言思惟當染著當失本念無有自正念所作事當不正威儀不能伏身心所行之處身不周正失於法忍身心剛強難可迴屈遠離於奢摩他毗婆舍那所作語言不知時節語言穢濁當貪飲食不得聖智諸天龍等所不敬重所得辯者常恒輕賤後當常悔不住於正行當輕躁不能滅斷諸疑行行之時猶如那吒惟隨

苑中上纤反暗鈍下徒困反愚一毀訾亦作訾翳暗上
障計反門淚上音門垂惜上与蘭若下汝者反
云寂靜處也
1樂定莫灰調弄上徒佛略下力遮反阿一此
泊樂波一也嬉戲上許之兩雹云方廣大乘彼碑音
衢縷夢犀牛上音西勤劬下蒲勤劬音